

labiliter observari; Sicque in præmissis per quoscumque Judices ordinarios, & delegatos etiam causarum Palatii Apostolici Auditores judicari, & definiti debere, ac irritum, & inane, si secus super his a quoquam quavis auctoritate scienter, vel igno-
ranter contigerit attentari.

Contraria tollit.

§.5. Non obstantibus Constitutionibus, & Ordinationibus Apostolicis, necnon quatenus opus sit, Congregationis prædictæ, ejusque Monasteriorum quorumvis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac de verbo ad verbum, insertis habentes, illis alias in suo robore permanentibus, ad præmissorum effectum, hac vice dumtaxat specialiter, & expresse derogamus, cæterisque contrariis quibuscumque.

Dat. die 7. Oct. 1656. An.II.

Datum Romæ apud S.M.M., sub Annulo Piscatoris, die 7. Octobris 1656. Pontificatus nostri Anno II.

CXXXIII.

Confirmatio Privilegiorum Fratrum Ordinis Beate Mariæ de Mercede Redemptionis Captivorum.

ALEXANDER PAPA VII.

Ad perpetuam rei memoriam.

Procurator.

Injuncti Nobis Apostolici muneris ratio postulat, ut sacrarum Religionum gratos Altissimo fructus assidue præstantium paternam curam gerentes, privilegia, gratias, & indulta illis a Romanis Pontificibus Prædecessoribus nostris, & Apostolica Sede concessa, quo validius perpetuo subsistant, nostræ confirmationis robore muniamus.

Supplicatio.

§.1. Exponi siquidem Nobis nuper fecit dilectus filius Michael de Alcantara Vicarius Generalis Italiae, & Siciliae, ac Procurator Generalis Fratrum Ordinis Beate Mariæ de Mercede redemptionis Captivorum, tam suo, quam etiam dilectorum filiorum Ildephoni ex Sotomayor Magistri Generalis, & universorum totius prædicti Ordinis professorum nominibus, quod eidem Ordini, ejusque domibus, locis, & personis, Confratribus, & benefactoribus, nunc, & pro tempore existentibus per eandem Sedem Apostolicam concessa fuerunt varia gratiæ, & indulta.

§.2. Cum autem majorem obtineant roboris firmitatem ea, quæ apostolica auctoritate sæpius muniuntur, & propterea idem Michael præmissa per nos nominibus prædictis etiam confirmari, & approbari plurimum desideret. Idcirco nos Ildephonsum, & Michaellem, aliosque prædictos

specialis gratiæ favore prosequi volentes, & illorum singulares personas a quibusvis excommunicationis, suspensionis, & interdicti, aliisque ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodate existunt, ad effectum præsentium dumtaxat consequendum harum serie absolventes, & absolutos fore censentes, supplicationibus illorum Nobis nomine super hoc humiliter porrectis inclinati.

§.3. Omnia, & singula indulta, privilegia, gratias, indulgentias, peccatorum remissiones, ac pœnitentiarum relaxationes eidem Ordini, illiusque domibus, locis, & personis, ac Confratribus per eandem Sedem, & diversos Roman. Pontifices Prædecessores nostros hucusque concessa, & confirmata, dummodo tamen privilegia, indulta, & alia prædicta omnia in usu, nec revocata, aut sub quibusvis revocationibus comprehensa sint, ac Sacris Canonibus, & Concilii Tridentini decretis, & Constitutionibus, & Ordinationibus Apostolicis, distique Ordinis regularibus institutis non adversentur, apostolica auctoritate, tenore præsentium perpetuo confirmamus, & approbamus, ac perpetuæ, & inviolabilis apostolicæ firmitatis robore communimus, omnesque, & singulos, tam juris, quam facti defectus, si qui desuper quomodolibet intervenerint, supplemus, non obstantibus Constitutionibus, & Ordinationibus Apostolicis, ac quatenus opus sit, dicti Ordinis, etiam juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis.

§.4. Quibus omnibus, & singulis, illorum tenores præsentibus pro plene, & sufficienter expressis, & ad verbum insertis habentes, illis alias in suo robore permanentibus, ad præmissorum effectum, hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S.Mariam Majorem sub Annulo Piscatoris die 11. Octob. 1656. Pontificatus nostri Anno II.

CXXXIV.

Confirmatio quorundam Statutorum, seu Capitulum, ut Mandatarii Curie Capitolii Urbis Appaltus Citationum non faciant.

ALEXANDER PAPA VII.

Ad futuram rei memoriam.

§.1. Alias a felicis recordationis Urbano Papa VIII. Prædecessore nostro emanarunt Literæ in simili forma revis, tenoris sequentis, videlicet: Urbanus Papa VIII. Ad futuram rei memoriam

Confirmata privilegia Fratrum Ordinis B. Mariæ de Merce. Capt.

Contraria tollit.

Dat. die 11. Oct. 1656. An.II.

Ex Regest. in Secret. Becc.

Reconferat pro ut in rubr.

riam. Christifidelium quorum, & præsertim Almæ Urbis nostræ votis, per quæ communi eorum paci, atque utilitati consulitur libenter annuimus, eaque favoribus prosequimur opportunis: Exponi siquidem Nobis nuper fecerunt dilecti filii Mandatarii Curie Capitolii Almæ Urbis prædictæ, quod ipsi pro totali literarum felic. recordation. Pauli Papæ V. Prædecessoris nostri super reformatione Tribunalium ejusdem Urbis emanatarum, & dudum publicarum executione, nonnulla Capitula, sive statuta fecerunt, tenoris subsequenti, videlicet.

Capitolo, ed Ordine da osservarsi inviolabilmente dalli Mandatari di Campidoglio in esecuzione della riforma di nostro Sig. Papa Paolo V. ultimamente eretta.

Reconferat Capitulum alias emanatum.

Per ovviare li abusi, che giornalmente fortiscono tra li Mandatari di Campidoglio con gl' Appalti, che vengono fatti non considerando alle parole espresse nella sudetta riforma; Pertanto si ordina, e commanda a qualsivoglia delli detti Mandatari, che niuno di loro ardisci, ne presumi contravenire a detta riforma, ne fare appalto in qualsivoglia modo, ma dell' esazione, che si farà da ciascheduno d'essi per l' avvenire delle citazioni, intimazioni, monitorj, sequestri, inibizioni, ed altro spettante al loro esercizio, non trasgredendo però alla mercede constituita in detta Riforma, debbano mettere in massa mezzo bajocco per ciascheduna Citatione, & Intimazione, ed un bajocco per ciaschedun sequestro, monitorio, inibizione, ostendatur, mandato de parcendo sententiæ, adizione d' eredità, disdetta, o altro spettante al loro officio, qual massa, si debba distribuire trà essi mese per mese, conforme al Decreto fatto dall' Illustrissimi Signori nostri Antecessori del Mese di Novemb. 1611., ed alli 5. di Dicem. 1617. e da Noi adesso confermato, e detto Capitolo debba essere da loro osservato inviolabilmente sotto la medesima pena contenuta nelli sudetti Decreti, ed al Capitolo 2. & altre ad arbitrio dell' Illustrissimo Signor Senatore, Illustrissimi Signori Conservatori, e Priore. Cum autem, sicut eadem expositio subjungebat Mandatarii prædicti capitula, sive statuta hujusmodi a pluribus Senatoribus, & Conservatoribus Camera ipsius Urbis approbari, & confirmari obtinuerint, & pro majori illorum invaliditate, & subsistentia, Apostolicæ confirmationis patrocinio communiri plurimum desiderent. Nos Mandatarios prædictos specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque ecclesiasticis sententiis, censuris, & pœnis a jure, vel ab homine quavis occasione vel causa latis, si quibus quomodolibet innodate existunt, ad effectum præsentium dumtaxat consequendum, harum serie absolventes, & absolutos fore censentes, supplicationibus eorum nomine Nobis super hoc humiliter porrectis inclinati, statuta, sive capitula prædicta, Apostolica auctoritate, tenore præsentium approbamus, & confirmamus, illisque inviolabilis Apostolicæ firmitatis robur adicimus, ac omnes, & singulos quomodolibet intervenerint, supplemus. Decernentes statuta, sive capitula prædicta a modernis, & pro tempore existentibus dictæ Curie Mandatariis, cæterisque, ad quos spectat sub pœnis in eis contentis inviolabiliter observari debere; Sicque per quoscumque Judices ordinarios, & delegatos, etiam causarum Palatii Apostolici Auditores ubique judicari, & definiti debere, ac irritum, & inane, si secus super his a quoquam quavis auctoritate scienter, vel ignoranter contigerit attentari. In contrarium facientibus non obstantibus quibuscumque. Datum Romæ apud Sanctam Mariam Majorem, sub Annulo Piscatoris die 19. Junii 1624. Pontificatus nostri Anno V.

§.2. Cum autem, sicut dilectus filius Franciscus Castagnaccius Procurator Fisci ejusdem Curie Capitolii Almæ Urbis nostræ Nobis nuper exponi fecit subinde contra Statutorum, seu Capitulum per præinsertas Urbani Prædecessoris literas confirmatorum, ac earundem Literarum dispositionem varii abusus introducti fuerint nonnullique Mandatarii dictæ Curie appaltus Citationum per plura Notariorum ipsius Curie Officia expediri solitarum per memoratas rec. mem. Pauli Papæ V. Prædecessoris pariter nostri interdictos fecerint, cumque idem Franciscus Procurator ad tollendos ab usus hujusmodi statuta, seu capitula prædicta a Nobis de novo confirmari, ac ut ejusdem Curie Mandatarii Citationes, & Intimationes pro congregandis Consulatibus Artium dictæ Urbis ad Curiam prædictam spectantibus, & aliis eorumdem Consulatuum expeditionibus non faciant ordinari, & alias opportune in præmissis, ut infra, provideri summopere desideret.

§.3. Nos ipsius Francisci Procuratoris desiderio, hac in re annuere volentes, ac eum a quibusvis excommunicationis, suspensionis, & interdicti, aliisque ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutos fore censentes, supplicationibus ejus nomine Nobis super hoc humiliter porrectis inclinati, supradicta Statuta, seu Capitula, necnon præinsertas Urbani Prædecessoris Literas cum omnibus, & singulis quomodolibet contentis in illis, Apostolica auctoritate, tenore præsentium confirmamus, & approbamus, illisque inviolabilis Apostolicæ firmitatis robur adicimus, ac omnes, & singulos juris, & facti defectus, si qui desuper quo-

Expositio, & Supplicatio.

Approbat, & confirmata per inserta statuta & literas.

Intimationes à Mandataris faciendas ordinat.

Quo modo intervenerint, supplemus. §.4. Præterea, ut Mandataris Curie prædictæ citationes, & intimationes pro congregandis Consulatibus hujusmodi, & pro aliis ipsorum Consulatuum expediti- onibus facere debeant, auctoritate, & tenore prædictis statuimus, & ordinamus.

§.5. Quocirca dilecto pariter filio nunc, & pro tempore existenti ejusdem Urbis Senatori per easdem præsentibus committimus, & mandamus, ut ipsas præsentibus, & in eis contenta quæcumque private, quoad dilectos filios nostrum, & pro tempore existentis Romani Pontificis Vicarium in Urbe prædicta in spiritualibus generalibus, Camera Apostolicæ Generalem Auditorem, ac Thesaurarium, & alios quoslibet dictæ Urbis, sive Romanæ Curie Judices nunc, & pro tempore existentes summarie, simpliciter, & de plano, sine strepitu, & figura Judicii, sola facti veritate inspecta executioni demandet, & ab aliis, ad quos spectat, & pro tempore spectabit faciat inviolabiliter observari; Contradictores quoslibet, & rebelles opportunis juris, & facti remediis omni, & quacumque appellatione remota compescendo.

Decretum irritans.

§.6. Decernentes nihilominus irritum, & inane, quicquid secus super his a quoquam quavis auctoritate scienter, vel ignoranter contigerit attentari.

Contraria tollit.

§.7. Non obstantibus Constitutionibus, & Ordinationibus Apostolicis, necnon, quatenus opus sit, Curie, & Consulatuum hujusmodi, aliisque quibusvis, etiam juramento, confirmatione Apostolica, vel quavis firmitate alia roboratis statutis, novis reformationibus, stylis, usibus, & consuetudinibus, privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permansuris, hac vice dumtaxat specialiter, & expresse derogamus, ceterisque contrariis quibuscumque.

Dat. die 17. Oct. 1656. An. II.

Datum Romæ apud S.M.M., sub Annulo Piscatoris, die 17. Octobris 1656. Pontificatus nostri Anno II.

CXXXV.

Ex Regest. in Secret. Brav.

Facultas Nuncio Franciæ relaxandi suspensionem ordinatis ab Episcopis per Vicarios Capitulares Parisien. indebite deputatis.

Ven. Fratri Cælio Archiepiscopo Casarea apud ebarissimum in Christo filium nostrum Ludovicum Francorum Regem Christianissimum nostro, & Apostolicæ Sedis Nuncio.

ALEXANDER PAPA VII.

Ven. Frater salutem, & apostolicam benedictionem.

§.1. CUM, sicut accepimus, nonnulli a Ven. Fratribus Constantien. Provincia Rothomagen. necnon olim Nemaufen. Episcopis alias per tunc existentes Vicarios Capitulares Ecclesiæ Parisien. illius Sede Archiepiscopali minime vacante ad Ordines in Civitate, & Diocesi Parisien. conferendos indebite deputatis, Ordines susceperint, suspensionem propterea incurrendo.

Procurium.

§.2. Nos illorum statui oportune providere volentes, fraternitati tuæ omnibus, & singulis, qui a memoratis Constantien., & olim Nemaufen. Episcopis indebite, ut præmittitur, deputatis, vel altero eorum clericali charactere insigniti, seu ad quatuor minores, necnon Sacros Subdiaconatus, Diaconatus, & Presbyteratus Ordines promoti respective fuerunt, si hoc a te singuli humiliter petierint, imposita eorum, cuilibet pro præmissis arbitrio tuo aliqua poenitentia salutari, suspensionem, quam propter præmissa quoquomodo incurrerunt, auctoritate nostra Apostolica relaxandi, ac insuper cum illis super irregularitate per eos, quia suspensione hujusmodi innodati in Ordinibus suis ministrarunt quomodolibet contracta, ita quod illa, & ipsidem præmissis non obstantibus, si nullum alium canonicum eis obisset impedimentum clericali charactere, quo alias rite insigniti fuerunt, illiusque privilegiis, ac susceptis per eos pariter alias rite quatuor minoribus, necnon Sacris Subdiaconatus, Diaconatus, & Presbyteratus Ordinibus respective uti; Si vero illos nondum susceperint, ad eos dummodo tamen ad id alias idonei reperiantur, servatis servandis promoveri, & promoti in illis etiam in Altaris ministerio ministrare libere, & licite possint, & valeant, eadem auctoritate dispensandi, quamcumque necessariam, & opportunam facultatem, dicta auctoritate tenore præsentium tribuimus, & impertimur.

Facultatem Nuncio Franciæ relaxandi suspensionem impartitur.

§.3. Non obstantibus apostolicis, ac in universalibus, provincialibusque, & synodalibus Conciliis editis generalibus, vel specialibus Constitutionibus, & Ordinationibus, ceterisque contrariis quibuscumque.

Contraria derogat.

Datum Romæ apud S. Mariam Majorem sub Annulo Pisc. die 30. Octob. 1656. Pontificatus nostri Anno II.

Dat. die 30. Oct. 1656. An. II.

Facultas Nuncio Franciæ relaxandi suspensionem ordinatis ab Episcopis per Vicarios Capitulares Parisien. indebite deputatis.

Ven. Fratri Nicolao Archiepiscopo Athenarum apud ebarissimum in Christo filium nostrum Ludovicum Francorum Regem Christianissimum nostro, & Apostolicæ Sedis Nuncio.

ALE-

ALEXANDER PAPA VII.

Ven. Frater salutem, & Apostolicam benedictionem.

§.1. CUM, sicut accepimus, nonnulli a Ven. Fratribus Constantien. Provincia Rothomagen., & c. Reliqua ut sup. dat. die eodem anno.

Dat. die, & eodem Anno.

Facultas Nuncio Apostolico in Regno Franciæ relaxandi suspensionem Episcopo Constantien. Provincia Rothomagen. incurram ab eo, quia deputatus a Vicariis Capitularibus Ecclesiæ Parisien. illius Sede Archiepiscopali non vacante, Ordines ibi contulit.

Ven. Fratri Cælio Archiepiscopo Casarea apud ebarissimum in Christo filium nostrum Ludovicum Francorum Regem Christianissimum nostro, & Apostolicæ Sedis Nuncio.

ALEXANDER PAPA VII.

Ven. Frater salutem, & Apostolicam benedictionem.

Procurium.

§.1. CUM, sicut accepimus, Ven. Frater Episcopus Constantien. Provincia Rothomagen. alias per tunc existentes Vicarios Capitulares Ecclesiæ Parisien. illius Sede Archiepiscopali minime vacante, ad Ordines in Civitate, & Diocesi Parisien. conferendos indebite deputatus, & Ordines hujusmodi inibi contulerit, suspensionem propterea a Pontificali exercitio incurrendo, & quia subinde Pontificalia, & alia sic suspensis interdita exercuit, etiam irregularitatem contrahendo.

Dispensandi.

§.2. Nos ejusdem Episcopi statui in præmissis pro paterna nostra erga illum benevolentia oportune consulere volentes fraternitati tuæ eidem Episcopo, si hoc a te humiliter petierit, suspensionem prædictam, imposita illi aliqua arbitrio tuo poenitentia salutari, auctoritate nostra relaxandi, necnon cum eodem Episcopo super irregularitate, eo, quod Pontificalia, & alia sic suspensis interdita exercuit, per eum quomodolibet contracta, eadem auctoritate dispensandi plenam, & amplam facultatem auctoritate prædicta, tenore præsentium concedimus, & impertimur.

Contraria tollit.

§.3. Non obstantibus Apostolicis, ac in universalibus, provincialibusque, & synodalibus Conciliis editis generalibus, vel specialibus Constitutionibus, & Ordinationibus, ceterisque contrariis quibuscumque. Datum Romæ apud S. Mariam Majorem sub Annulo Pisc. die 30. Octobris 1656. Pont. nostri Anno II.

Dat. die 30. Oct. 1656. An. II.

Sequitur Relaxatio ad cautelam suspensionis pro Episcopo olim Nemaufen., si quam incurrerit, quia deputatus a Vicariis Capitularibus Ecclesiæ Parisien. Sede Archiepiscopali non vacante Ordines Diocesanis Parisien. bona fide contulit.

Ven. Fratri Episcopo olim Nemaufen.

ALEXANDER PAPA VII.

Ven. Fratri salutem, & apostolicam benedictionem.

§.1. CUM sicut Nobis nuper exponi fecisti, tu alias per tunc existentes Vicarios Capitulares Ecclesiæ Parisien. illius Sede Archiepiscopali minime vacante, ad conferendos Ordines in Civitate, & Diocesi Parisien. indebite deputatus Ordines hujusmodi pluribus Diocesanis Civitatis, & Diocesis prædictarum ratus id tibi licere bona fide contuleris; verearis autem, ne propterea te suspensionem ab exercitio Pontificalium incurrisse, & quia suspensione hujusmodi durante Pontificalia, & alia sic suspensis interdita exercuisti, etiam irregularitatem contraxisse censeri possit; Nobis idcirco humiliter supplicari fecisti, ut statui tuo in præmissis opportune providere de benignitate apostolica dignaremur.

Supplicatio.

§.2. Nos igitur te specialibus favoribus, & gratis prosequi volentes, & a quibusvis excommunicationis, suspensionis, & interditi, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existis, ad effectum præsentium dumtaxat consequendum harum serie absolventes, & absolutum fore censentes, hujusmodi supplicationibus inclinati, tibi suspensionem ab exercitio Pontificalium, si quam præmissorum occasione incurristi, apostolica auctoritate, tenore præsentium ad cautelam relaxamus, necnon tecum super quacumque irregularitate, si quam ita suspensis interdita exercendo contraxisti, similiter ad cautelam dispensamus.

Abolvit a censuris.

§.3. Non obstantibus Apostolicis, ac in universalibus, provincialibusque, & synodalibus Conciliis editis generalibus, vel specialibus Constitutionibus, & Ordinationibus, ceterisque contrariis quibuscumque.

Contraria derogat.

Datum Romæ apud S. Mariam Majorem sub Annulo Piscatoris die 30. Octob. 1656. Pont. nostri Anno II.

Dat. die 30. Oct. 1656. An. II.

Sequitur Facultas Nuncio Franciæ relaxandi suspensionem Episcopo olim Nemaufen. incurram, quia deputatus a Vicariis Capitularibus Ecclesiæ Parisien. illius Sede Archiepiscopali non vacante, Ordines inibi contulit cum dispensatione.

Ven.

Ven. Fratri Casio Archiepiscopo Casarea apud charissimum in Christo filium nostrum Ludovicum Francorum Regem Christianissimum nostro, & Apostolica Sedis Nuncio.

ALEXANDER PAPA VII.

Ven. Frater salutem, & apostolicam benedictionem.

Proemium.

§.1. CUM, sicut accepimus Ven. Frater Antonius Dionysius Episcopus olim Nemausen. alius per tunc existentes Vicarios Capitulares Ecclesie Parisien. illius Sede Archiepiscopali minime vacante, ad Ordines in Civitate, & Diocesi Parisien. conferendos indebite deputatus, Ordines huiusmodi inibi contulerit, suspensionem propterea a Pontificalium exercitio incurrendo, & quia subinde Pontificalia, & alia sic suspensis interdicta, exercuit, etiam irregularitatem contrahendo.

Facultatem a censuris absolvendi Episcopi. Nunc. Nuncio impartitur.

§.2. Nos eiusdem Episcopi statui in premissis pro paterna nostra erga illum benevolentia oportune consulere volentes, fraternitati tuae eidem Episcopo si hoc a te humiliter petierit, suspensionem praedictam, imposita illi aliqua arbitrio tuo poenitentia salvari, auctoritate nostra relaxandi, necnon cum eodem Episcopo super irregularitate, eo quod Pontificalia, & alia sic suspensis interdicta, exercuit per eum quomodolibet contracta eadem auctoritate dispensandi plenam, & amplam facultatem, auctoritate praedicta tenore praesentium, concedimus, & impertimur.

Contraria rescit.

§.3. Non obstantibus Apostolicis, ac in universalibus, provincialibusque, & synodalibus Conciliis editis generalibus, vel specialibus Constitutionibus, & Ordinationibus, ceterisque contrariis quibuscumque.

Dat. die 29. Jan. 1656. An. II.

Datum Romae apud S. Mariam Majorem sub Annulo Pisc. die 29. Januarii 1656. Pontificatus nostri Anno II.

CXXXVI.

Confirmatio, & declaratio Constitutionis Innocentii Pape X. qua damnatae sunt quinque Propositiones excerptae a libro Cornelii Jansenii Episcopi Iprensis, cui Titulus, Augustinus.

ALEXANDER EPISCOPUS

SERVUS SERVORUM DEI

Universis Christianis salutem, & apostolicam benedictionem.

Exordium.

AD Sanctam Beati Petri Sedem, & Universalem Ecclesiam regimen, inscrutabili divinae providentiae dispositione, nullis nostris suffragantibus meritis effecti, nihil Nobis antiquius ex muneris nostri debito esse duximus, quam ut Sanctae Fidei nostrae,

ac Sacrorum Dogmatum integritati tradita Nobis a Deo potestate opportune consuleremus: ac licet ea, quae Apostolicis Constitutionibus abunde fuerunt definita, novae decisionis, sive declarationis accessione nequaquam indigeant, quia tamen aliqui publica tranquillitatis perturbatores illa in dubium revocare, vel subdolis interpretationibus labefactare non verentur, ne morbus iste latius divagetur, promptum apostolicae auctoritatis remedium censuimus non esse differendum.

Recentet pro. ut in rub.

§.1. Emanavit siquidem aliis a fel. rec. Innocentio Papa X. Praedecessore nostro Constituto, Declaratio, & Definitio tenoris, qui sequitur, videlicet. Innocentius Episcopus Servus Servorum Dei. Universis Christianis salutem, & apostolicam benedictionem. Cum occasione impressio- nis libri, cui titulus Augustinus, Cornelii Jansenii Episcopi Iprensis, inter alias eius opiniones orta fuerit, praesertim in Galliis, controversia super quinque ex illis, complures Galliarum Episcopi apud Nos institerunt, ut easdem propositiones Nobis oblatas expenderemus, ac de unaquaque earum certam, & perspicuam sententiam. Tenor vero praefatarum propositionum est prout sequitur. Prima. Aliqua Dei praeccepta hominibus iustis volentibus, & conantibus secundum praesentes, quas habent vires, sunt impossibilia: deest quoque illis Gratia, qua possibilia fiant. Secunda. Interiori Gratiae in statu naturae lapsae nunquam resistitur. Tertia. Ad merendum, & demerendum in statu naturae lapsae non requiritur in homine libertas a necessitate, sed sufficit libertas a coactione. Quarta. Semipelagiani admittent praevientis Gratiae interioris necessitatem ad singulos actus, etiam ad initium fidei, & in hoc erant haeretici, quod vellent eam gratiam talem esse, cui posset humana voluntas resistere, vel obtemperare. Falsam, & haeticam declaramus, & uti talem damnamus. Quintam. Semipelagianum est dicere, Christum pro omnibus omnino hominibus mortuum esse, aut sanguinem fudisse. Falsam, temerariam, scandalosam, & intellectam eo sensu, ut Christus pro salute dumtaxat praedestinatorum mortuus sit: Impiam, blasphemam, contumeliosam, divinae pietatis derogantem, & haeticam declaramus, & uti talem damnamus.

Confirmat de. clarationem. Innoc. X. super propositiones Jansenii

§.2. Nos quibus inter multiplices curas, quae animum nostrum assidue pulsant, illa in primis cordi est, ut Ecclesia Dei Nobis ex alto commissa, purgatis pravatum opinionum erroribus tuto militare, & tanquam navis in tranquillo mari, sedatis omnium tempestatum fluctibus, ac procellis, secure navigare, & ad optatum salutis portum pervenire possit. Pro rei gravitate coram aliquibus S.R.E. Cardinalibus ad id specialiter saepius congregatis a pluribus in Sacra Theologia Magistris, easdem quinque propositiones, ut supra, Nobis oblatas, fecimus singillatim diligenter examinari, eorumque suffragia tum voce, tum scripto relata mature consideravimus, eosdemque Magistros variis coram Nobis actis Congregationibus, prolixè super eisdem, ac super earum qualibet differentes audivimus. Cum autem ab initio huiusmodi discussionis ad Divinum implorandum auxilium multorum Christianissimum precum

tum privatim, tum publice indiximus, postmodum iteratis eisdem ferventibus, ac per Nos solite implorata Sancti Spiritus assistentia, tandem Domino Numine favente ad infra scriptam devenimus declarationem, & definitionem.

Damnatae praedictas prop.

§.3. Primam praedictarum propositionum. Aliqua Dei praeccepta hominibus iustis volentibus, & conantibus secundum praesentes, quas habent vires, sunt impossibilia, deest quoque illis Gratia, qua possibilia fiant: Temerariam, impiam, blasphemam, anathemate damnatam, & haeticam declaramus, & uti talem damnamus. Secundam. Interiori gratiae in statu naturae lapsae nunquam resistitur: Haeticam declaramus, & uti talem damnamus. Tertiam. Ad merendum, & demerendum in statu naturae lapsae non requiritur in homine libertas a necessitate, sed sufficit libertas a coactione: Haeticam declaramus, & uti talem damnamus. Quartam. Semipelagiani admittent praevientis gratiae interioris necessitatem ad singulos actus, etiam ad initium fidei, & in hoc erant haeretici, quod vellent eam gratiam talem esse cui posset humana voluntas resistere, vel obtemperare: Falsam, & haeticam declaramus, & uti talem damnamus. Quintam. Semipelagianum est dicere, Christum pro omnibus omnino hominibus mortuum esse, aut sanguinem fudisse: Falsam, temerariam, scandalosam, & intellectam eo sensu, ut Christus pro salute dumtaxat praedestinatorum mortuus sit: Impiam, blasphemam, contumeliosam, divinae pietatis derogantem, & haeticam declaramus, & uti talem damnamus.

Mandat neminem consenti- ne praed-prop.

§.4. Mandamus igitur omnibus Christi fidelibus utriusque sexus, ne de dictis propositionibus sentire, docere, praedicare aliter presumant, quam in hac praesenti nostra declaratione, & definitione continetur, sub censuris, & poenis contra haeticos, & eorum fautores in iure expressis. Praecipimus pariter omnibus Patriarchis, Archiepiscopis, Episcopis, aliisque locorum Ordinariis, necnon haeticae pravitatis Inquisitoribus, ut contraditores, & rebelles quoscumque per censuras, & poenas praedictas, ceteraque juris, & facti remedia opportuna, invocato etiam ad hoc (si opus fuerit) auxilio brachii secularis, omnino coerceant, & compescant. Non intendentes tamen per hanc declarationem, & definitionem super praedictis quinque propositionibus factam, approbare ulatenus alias opiniones, quae continentur in praedicto libro Cornelii Jansenii. Datum Romae apud Sanctam Mariam Majorem, anno Incarnationis Dominicae millesimo sexcentesimo quinquagesimo tertio, pridie Kal. Junii, Pontificatus nostri anno IX.

§.5. Cum autem, sicut accepimus, nonnulli iniquitatis filii praedictas quinque propositiones, vel in libero praedicto eiusdem Cornelii Jansenii non reperiri, sed fuisse, & pro arbitrio compositas esse, vel in sensu ab eodem intento damnatas non fuisse,

se, asserere magno cum Christi fidelium scandalo non reformident.

Damnatae declarat omnibus.

§.6. Nos, qui omnia, quae hac in re gesta sunt sufficienter, & attente perpeximus, utpote qui eiusdem Innocentii Praedecessoris iussu, dum adhuc in minoribus constituti, Cardinalis munere fungeremur, omnibus illis congressibus interfuimus, in quibus apostolica auctoritate eadem causa discussa est: ea profecto diligentia, quam major desiderari non posset, quamcumque dubitationem super praemissis in posterum auferre volentes, ut omnes Christi fideles in eiusdem fidei unitate sese contineant, ex debito nostri Pastoralis officii, ac matura deliberatione, praesertim Innocentii Praedecessoris nostri Constitutionem, Declarationem, & Definitionem harum serie confirmamus, approbamus, innovamus, & quinque illas propositiones ex libro praememorati Cornelii Jansenii, Episcopi Iprensis, cui titulus est Augustinus, excerptas, ac in sensu ab eodem Cornelio Jansenio intento damnatas fuisse declaramus, & definimus, ac uti tales, injusta scilicet eadem singulis nota, quae in praedicta declaratione, & definitione unicuique illarum sigillatim inuritur, iterum damnamus, ac eundem librum saepedicti Cornelii Jansenii, cui titulus, Augustinus, omnesque alios, tam manuscriptos, quam Typis editos, & si quos forsan in posterum edi contigerit, in quibus praedicta eiusdem Cornelii Jansenii Doctrina, ut supra damnata defenditur, vel astruitur, aut defenditur, & astruetur, damnamus itidem, atque prohibemus. Mandantes omnibus Christi fidelibus, ne praedictam Doctrinam teneant, praedicent, doceant verbo, vel in scriptis exponant, vel interpretentur publice, vel privatim, palam, vel occulte imprimant, sub poenis, & censuris contra Haeticos in iure expressis ipso facto, absque alia declaratione incurrendis.

Contravenientes puniri mand.

§.7. Praecipimus igitur omnibus Venerabilibus Fratribus nostris Patriarchis, Primatibus, Metropolitanis, Archiepiscopis, Episcopis, ceterisque locorum Ordinariis, ac haeticae pravitatis Inquisitoribus, ac Judicibus Ecclesiasticis, ad quos pertinet, ut praesertim eiusdem Innocentii Praedecessoris Constitutionem, Declarationem, ac Definitionem, juxta praesentem nostram determinationem ab omnibus observari faciant, ac inobedientes, & rebelles praedictis poenis, aliisque juris, & facti remediis, invocato etiam, si opus fuerit, brachii secularis auxilio, omnino coerceant.

Dat. 17. Kal. Nov. 1656. An. II.

Datum Romae apud S. Mariam Majorem, Anno Incarnationis Dominicae millesimo sexcentesimo quinquagesimo sexto, decimosextimo Kalend. Novembris, Pontificatus nostri Anno II.

Privi.

Privilegia, exemptiones, & indulta concessa Dapiferis qui in conclavi sua assumptionis S. R. E. Cardinalibus inferuerunt.

ALEXANDER PAPA VII.

Ad futuram rei memoriam.

Procurator.

Motu proprio, &c. Nos volentes dilectos filios nostros dum Cardinalatus honore fugebamur, & Venerabilium Fr. nostrorum S. R. E. Card. Dapiferos, qui Conclavi, in quo Divina favente Clementia ad Summi Apostolatus apicem assumpti fuimus, inservierunt, quique ea de causa labores, vigiliis, & incommoda pluribus subierunt, habita ratione obsequiorum huiusmodi favoribus, gratis, & privilegiis pro cuiuscumque meritis exornare, ac eisdem Dapiferos, & eorum singulos.

Dapiferos commensales suos declarat aliisque honoribus elargi.

§.1. Motu proprio, non ad ipsorum, Dapiferorum, vel alterius pro ipsis Nobis super hoc oblate petitionis instantiam, sed de mera liberalitate, certa que scientia nostris, deque Apostolica potestatis plenitudine in veros, indubitatos, & non fictos familiares continuos Commensales nostros, & eos, qui ex illis Clerici existunt, seu militia Clericali adscribi desiderant, quosque tres ex prefatis Cardinalibus in quolibet ordine antiquiores gradu, Nobilitate, & aliis meritis dignos tali dignitate judicaverint, in Nostros, & Apostolica Sedis Notarios, sine tamen prejudicio dilectorum filiorum Notariorum de numero participantium, tenore presentium recipimus, & tam illos, quam alios Dapiferos singulos, qui sigillatim ab eisdem tribus Cardinalibus digni tali honore approbati fuerint, Sacri Palatii, & Aula Lateranen. Comites, & Milites, ac tam illos, quam alios omnes quoscumque Dapiferos indistincte, qui Nobiles non sunt, Nobiles, quique Urbis, vel alij alioque alterius ex Civitatibus temporali dominio dicte Romanæ Ecclesie mediate, vel immediate subiectis, Cives esse voluerint, singulos in ea ipsa Civitate, quam sigillatim quisque eorum elegerit, & ad quam ab eisdem Cardinalibus se admitti petierit veros Cives ad instar, & nulla prorsus differentia inter eos, & singulos alios veros, originarios, & antiquissimos, & nobiles participantes Cives ipsius Urbis, vel Civitatis, ita ut ipsum jus Civitatis ad quoscumque eorum heredes eodem modo transeat creamus, constituimus, & assignamus, ac Nobilitatis, & Civilitatis titulo, honore, & insignibus decoramus, aliorumque Familiarium continuorum commensalium Nobis actu in Palatio nostro Apostolico servientium, & in illius Tinello commendentium, & bibentium, nostrorum, & Sedis Apostolicæ Notariorum, Palatiique, & Aula prefate Comitum, Militum, & Nobilium, & Civium huiusmodi origina-

riorum numero, & consortio favorabiliter aggregamus, & pro veris, indubitatis, & non fictis Familiaribus continuis commensalibus, ac Notariis nostris, Comitibusque, Militibus, Nobilibusque, ac Civibus deinceps haberi, & reputari volumus, & mandamus.

§.2. Eisque, ut in quibuscumque impetrationibus, ac concessionibus, & literis, tam gratiam, quam justitiam separatim, seu utramque mixtim concernentibus, se familiares, continuos commensales nostros, & Comites, Milites, Nobiles, ac Cives, & originarios nominare, nec propterea impetrationes, concessionem, & litera ipsa subreptionis vitio subiaceant, sed validæ, & efficaces existant, ac ex nunc deinceps, & in perpetuum omnibus, & quibuscumque, & prorsus similibus antelationibus antelationum, prerogativis, privilegiis, libertatibus, immunitatibus, exemptionibus, decretis, declarationibus, derogationibus, mandatis, suspensionibus, favoribus, gratis, privilegiis, indultis, ac juribus, quibus alii nostri Familiares tempore dicte assumptionis nostre ad Summi Apostolatus apicem, ac quibus alii ejusdem Sedis Notarii, etiam de numero participantem existentes, etiam si habitum, & Rochettum Notariorum ipsius Sedis non deferant, Palatiique, & Aula prefate Comites, & Milites, ac Nobiles originarii, & antiquissimi Cives ejusdem Urbis, vel Civitatis, quam, ut prefertur, elegerint quicumque ex utroque Parente vere Nobili, ac Cive civili, & originario antiquissimo procreati de jure, statuto consuetudine, vel aliis ex aliquo speciali Privilegio, seu aliis etiam per quascumque literas, seu Constitutiones Apostolicas pro tempore editas, utuntur, fruuntur, potiuntur, & gaudent, ac uti, frui, potiri, & gaudere possunt, & poterunt quomodolibet in futurum, ubique locorum in iudicio, & extra, sine tamen eorumdem Notariorum de numero participantium prerogativo, uti, frui, potiri, & gaudere libere, & licite valeant realiter, & integre in omnibus, & per omnia, etiam si in Urbe, & Civitate huiusmodi non habitaverint, perinde ac si de vero nobili genere ex utroque Parente originario, & antiquissimo Cive procreati forent, & huiusmodi prerogativa, privilegia, exemptiones, gratie, favores, concessionem, indulta, & jura, que pro aliis Nobilibus, & Civibus originariis emanarunt, & que ratione Nobilitatis, & Civilitatis naturalis, & originarie aliis competunt pro eisdem Dapiferis in specie emanassent, seu emanarent, & eisdem naturaliter de jure, statuto, consuetudine, fundatione, vel alias competere, vigore presentium indulgemus, ac singulos Dapiferos, prefatos a solutione, & exactione Decimarum Ecclesiasticarum, ubique locorum, & ex quacumque, quantumvis urgentissima, & inexcogitabili causa, & occasione, etiam ad instantiam Imperatoris, Regum, Rerumpubli-

publicarum, etiam Venetorum, & quorumcumque aliorum Principum impostarum, & imponendarum pro tempore liberamus, & eximimus, liberosque, & exemptos fore, & esse decernimus, ipsis Dapiferis, eorumque singulis quoscumque fructus, & proventus Ecclesiasticos, tam occasione pensionum annuarum ipsis, vel eorum alicui reservatarum, quam ratione omissionis recitationis horarum canonicarum indebite perceptos, cuiuscumque quantitas fuerint, gratiose remittimus, condonamus, ac cum eis super inhabilitate per eos propterea quomodolibet contracta, vel etiam ex eo, quod censuris huiusmodi ligati Missas, & alia Divina officia, non tamen in contemptum clavium celebraverint, aut alias in Divinis se immiscuerint, ut illa, & eisdem premissis non obstantibus, ad omnes etiam Sacros, & Presbyteratus ordines, alias tamen rite promoveri, & in illis etiam susceptis alias rite per eos ordinibus, etiam in Altaris ministerio ministrare etiam libere, & licite valeant, dispensamus, ac eisdem Dapiferos, si qui eorum defectu natalium patiuntur ex quocumque damno, & illicito coitu, etiam si ex nobilissimis parentibus, ac viribus feminis forsitan procreati sint, etiam si legitimi alii existant, legitimamus, omnemque ab illis generatam huiusmodi maculam, five notam abstergemus, & abolemus, ac legitimis Natalibus restituimus, ac cum eorum singulis, ut in quibuscumque bonis paternis, & maternis, & aliorum Consanguineorum, seu Cognatorum, vel aliorum quorumcumque, non tamen feudilibus, & emphyteuticis, aut Ecclesiasticis, vel ab Ecclesia acquisitis, ac sine prejudicio venientium ab intestato, vel ex fideicommissis, seu alias de jure valida dispositione succedere, & illa donationis, seu alios quovis titulo consequi, & habere, ac ad æquales portiones cum legitimis succedere, eos ad omnia jura legitima, & successiones ex testamento, vel ab intestato, hereditates, legata, libertates restituendo, & reintegrando realiter, & cum effectu: necnon ad dignitates, honores, & quæcumque alia Officia secularia, publica, vel privata, etiam assumi, illaque gerere, & exercere in omnibus, & per omnia, ac si de legitimo matrimonio procreati forent, ac eodem defectu non obstante, si alius canonice eis non obstat impedimentum, ac clericali charactere, qui illo nondum insigniti sunt, insigniri, & ad omnes etiam sacros, & Presbyteratus ordines, si ad illos nondum promoti sunt, promoveri, & postmodum charactere, & Ordinibus huiusmodi, illorumque Privilegiis uti, ac in eisdem ordinibus etiam in Altaris ministerio ministrare, ac quæcumque, & qualiacumque cum cura, & sine cura beneficia Ecclesiastica, etiam si personatus administrationes, & officia, etiam curata, & electiva in Cathedralibus, & Metropolitanis, vel Collegiatis Ecclesiis, seu si Parochiales Ecclesiæ, vel earum perpetue Vicariæ, ac Ca-

nonicatus, & præbendæ, non tamen in Cathedralibus, ac dignitates, non tamen in eisdem Cathedralibus post Pontificalem majores, nec principales in Collegiatis Ecclesiis huiusmodi fuerint, si sibi alias canonice conferantur, aut ipsi eligantur, presententur, vel alias assumantur ad illa, & instituantur in illis, recipere, & dummodo plura simul non sint, quam que a Concilio Tridentino permittuntur, quoad vixerint, retinere libere, & licite valeant, similiter dispensamus, quodque omnes, & quæcumque gratie, provisiones, Commendæ, ac præsentem, & quævis alia Literæ Apostolicæ, ac etiam in forma Brevis pro illis expediendæ gratis ubique expediantur, tam de capiendâ possessione nomine Cameræ Apostolicæ, quam in favorem Literarum Apostolicarum: ubi illis super provisionibus quorumcumque beneficiorum Ecclesiasticorum dari poterunt, prout nostris Familiaribus, & continuis Commensalibus, etiam gratis dentur, ac concedantur, ac dari, & concedi debeant, præcipimus, & mandamus, ac Dapiferis præfatis, & eorum singulis, ut quicumque loci Ordinarii, vel Canonici Metropolitanarum, seu aliarum Ecclesiarum, aut personæ quæcumque Ecclesiasticæ, tam in Romana Curia, quam extra eam ad id per eos, & eorum singulos eligendi, aut eligendæ, quascumque Pensiones annuas eis, eorumque singulis super quibuscumque fructibus, redditibus, proventus quorumcumque beneficiorum Ecclesiasticorum cum cura, & sine cura, secularium, aut quorumvis Ordinum Regularium, seu fructus, redditus, & proventus huiusmodi beneficiorum, reservatas, seu reservatos, ac reservandas, seu reservandos, etiam si alias semel, vel pluries translate, seu translate fuerint usque ad summam centum ducatorum in toto, vel in parte, ac etiam in mortis articulo cassare, & extinguere, ac postquam cassata, & extincta fuerint, alias similes pensiones annuas, seu fructus, redditus, & proventus huiusmodi usque ad summam prædictam uni, vel pluribus aliis Personis Ecclesiasticis per eisdem Dapiferos, & eorum singulos nominandis, quocumque, quæcumque, & qualiacumque beneficia Ecclesiastica obtinentibus, & expectantibus, aliis tamen Pensionum huiusmodi capacibus similiter eis quoad vixerint, vel eorum Procuratoribus legitimis eisdem modo, & forma, quibus eisdem Dapiferis reservata, seu reservanda fuerint, etiam absque beneficiis huiusmodi obtinentium consensu, integre persolvendas, seu persolvendos, & per eos percipiendas, exigendas, levandas, ac percipiendos, exigendos, levandos, reservare, constituere, & assignare valeant, ipsiusque Translatarii in possessionem dictas pensiones exigendi, in qua ipsi Dapiferi tempore translationis per eos vigore presentium faciendæ existebant, in omnibus, & per omnia subrogati esse censentur etiam concedimus, & indulgemus, etiam si